



泛翁集

卷二五

七律
七排
五古
七古

雜體

類三

^16
2408
2



和
2408
3-2



泛翁集卷之四

豐山洪柱國國卿著

七言律詩下



次李錫余三錫韻

陳散襟懷酒獨知
拋書卷網蟲絲蓬蒿仲蔚
容高卧風雨蘇端憶好期
花已殿春無女艷日
初行復似年遲尋君自覺
回駮懶笑殺山翁醉
後騎

贈南雲卿龍翼赴燕

扶桑碣石馬牛風
歷覽人稀海以一作如東雲
夢腦襟從此大江河
文字較來雄方知再作星

三才集
二〇〇
槎役端為全翰翰墨功堪恨賞音今寂寞濟南
回首雪樓空

次李彝仲敏叙南漢志感之作

千雉雄城繚作屏危巖直欲跨穹青朝廷但恃
金湯固天運其如禍亂丁萬折水憐清漢勢餘
羞山似會稽形知君感慨題詩處玉撫龍泉望
北庭

贈趙薇垣嘉錫赴扶餘

曉承駟 召拜丹墀喜色俄看捧檄時百里地
連春府近一麾天借諫臣私登盤魚鱗秋來足

拄笏江山畫裏疑口恐擲揄應我笑祖筵賦
送人詩

西風倚棹濟王墟花落龍亡恨有餘蠻觸闕來
名境在劫灰飛盡霸圖虛高蘭寺迥晨鐘轉白
馬江寒古木疎好向此間為吏隱今勝東洛曳
塵裾

次金姪盛後四及堂韻琴棋詩酒

紛紛友道鮮能全一室相從有四馬萬事輸贏
觀理局百年山水賞音絃腦澆磊砢閑愁了吟
費推敲雅性然欲識扁堂餘外趣枕書高卧北

窓眠

送金晦之炫文赴寧越

頭白潛郎宦意疎一麾東郡興何如山多藥草
堪醫病境僻松林可讀書貊國雪埋關嶺路魯
陵寒映峽人居春來客恨難聊處蜀魄聲中淚
滿裾

李進士萬慶內挽

尚記承宣把酒時常誇徽範在門楣貧居契濶
炊爨苦美對才華擢桂遲未遂少君偕老約先
題潘岳悼亡詩他年餘慶猶堪慰掌上雙珠捻

好兒

召對罷後賦示館僚金斯百錫曾

珊珊晝漏緩銅壺日侍 經帷每到曠功在緝
熙勤 聖學運當亨泰集鴻儒千秋信史關時
政一部心經味道腴自愧面墻叨 顧問擬將
何術贊工夫時儒賢造 綱目心經故篇內及之 朝進講

李節度寄示一律詩中有覽物懷人之感

次韻以謝

冰盤朱李間青瓜把酒懷人鬢欲華塞外元戎
猶滯節幕中書記舊栽花一年春到南枝晚千

里詩從吐海賒內茅纔還空館寂滿庭濃綠想
交加

贈萊伯鄭白也

白也曾以接慰官赴萊

星臨朱鳥界青羌地盡東南天一方鯨海火輪
桑吐旭馬州風舶橋聞香宵筵卉服非新面宮
壁紗籠續舊童只是寸心懸北極夢登前席
近清光

挽李判書

慶徵

名父之兒難弟兄 清朝接武秉銓衡門方熱
處猶寒素位未高時已老或鑒別精明山吏部

風流篤厚漢西京台垣咫尺文昌曉秋日

一作直裏

緘詞獨愴情

贈扶安康使君

遼學

玄晏沉痾尚在床忽驚鳧舄告行忙經秋我對
無錢菊作吏君占歸一作有鱗鄉傍海一麾穿榻
袖臨江三逕歷柴桑深知再枉推先分強綴孤
吟替遠將使君將由上游舊業轉赴任所故第六及之

挽李濟州墳

迢迢旅櫬漢挈陸萬里風濤片舸危兒計忍傳
垂死日 主恩深軫返骸時需才幾處身先瘁

好直平生詢輒隨別語贈行渾似昨
楚招誰料續哀詞

贈申學士寅伯接慰之行

天地東南海渺茫
萊山獨峙於其傍
樓臺屢氣卷舒倏
艤舶馬夷來往常
朱雀星臨鎮炎徽
金烏日浴昇扶桑
銜綸學士大觀了
然後見爾為文章

挽權掌令斗樞

日聽諸孤哭且號
居常惻愴我懷勞
虛開困裏曾尋逕
忍憶墻頭每過醪
榮宦夢還何草草
短

期川逝劇滔滔憑君淚為亡
咸迸寄灑隣墳四

尺高

權之墓地與仲姪新塋相近故落句及之

贈張晦而世明之任南平

童卯從遊到老偕
一麾南去杳天涯
休文少日輕分手
安石中年易感懷
人與鶴琴行李共
地宜梅竹夾村皆
憐吾久厭承明直
倘借隣符訪縣齋

病滯松楸寄別李樂甫憲還朝

松楸小築漢西頭
陳跡依然某水丘
霜早野杭仍儉歲
雨催籬菊已深秋
同承恩暇君先返

久抱沉痾我獨留蕭寺與誰重賞月別懷孤寂
不禁愁

見申寅伯鄭白也詩札錄寄簡尾

詞臣初夏別金鑾刺史前秋赴海關詩帶素書
隨驛使夢回青瑣點朝班逢迎客館新醪孰節
亭蠻城細菊斑摠是玉皇香案吏分憂衙
命亦蓬山

贈江都留後金起之壽興

追思世變閱滄桑相國名爭日月光東閣衣冠
何處閩南樓灰燼祇今傷民瘼不墜風聲遠天

塹無馮感慨長一瓣香燒忠烈廟從孫危涕剩
沾裳

曹叅判漢英挽

顯仕 清朝三十年家居寒儉轉蕭然志同患
難陰翁許文有淵源澤老傳骸豈曾隨世態
孤畸猶不受人憐 絲綸侑語纔承 命才茂
鋪張愧九泉

吳判書 擬一挽

文雅風流藹似春大家餘韻自超倫坐來有令
香留席行處裴君玉照人再第飛騰萃顯遍列

卿遷擢 渥恩新福門厚報天難恃忍說慈闈
夜哭頻

趙判書復陽挽

得御龍門今幾年間從杯酒亦周旋風流自是
西京篤人物居然慶曆賢泉壤忽埋公輔器清
忠漫入史臣編春深僑舍輪蹄斷獨對諸孤灑
涕偏

趙鎮川相亦挽

記得向時君哭兒所鍾情處已先知那將昔斷
猿腸痛可一作忍今貽鶴髮悲墨綬暫留南邑

惠班衣永失址堂期前秋告別元春訊撫跡何
堪寫此詞

洪相國重普挽

八葉科名古有無益城冠冕接亨衢家庭節義
劉資政叔姪經綸呂坦夫容衆厚風專覆蓋當
朝大事不糊塗民虞溢目台躔晦引濟時艱望
轉孤

權判書大運大夫人挽

曾因赴幕歷咸管聽說慈闈八袞寧養以址門
觀察使祥徵南極老人星官厨甘旨三牲鼎壽

席筵歌七寶亭盛事忍言今日變尚書血泣又
衰齡

李叅判廷夔挽

巍科發軔早揚名歷踐天曹到亞卿氣度紆餘
推國器門闌清素繼家聲當朝望蔚猶謙退憶
昨官卑已老成寂寞廣陵空舊宅忍看飛旆過
江城

哭再從弟李天安綴

平居行誼古文辭郎署分符遽止斯可惜一名
終未第最憐三娶亦無兒獨留鳧馬歸何處相

對鴿原說此悲呼我為兄先我逝情深中表忍
題詞

白軒李相國景輿挽

三朝名德是元臣輿誦兒童走卒均盛典但聞
頌几杖閑居誰使屈經綸誠忠每著尋常地志
節曾看患難辰臨絕諄諄如夢語寸心終始在
君民

朴判書長遠挽

素髮丹旌引柳車緘辭遙哭朴尚書空留血跡
傳 楓陛誰奉慈顏御板輿人鑑遽亡嗟已矣

士林相吊慟何如關山別語今猶在點檢詩牋
淚滿裾

鄭書狀

積挽還到遼東
遇病不起

假令君在京師病不汗經時亦莫醫等是天年
邦地免爲因 王事舉朝悲槎回博望淹中道
鶴化遼陽杳後期想得歸魂長拱址 哀綸恩
贈摠殊私

奉送李叅判

晚策令文出按關西

遼燕孔道走平安使价相望物力殫藩服視他
稱最重按臣從古選尤難清名久已標冰蘖利

器還須試錯盤故遣老成膺簡寄行者西顧

主憂寬

箕封彤勝甲吾東亭觀繁華市肆雄官酒江添

鴨頭綠妓裙花染石榴紅胡床興引高樓月燕

窠香傳小閣風只是邇來凋弊甚一方宣化屬

明公

幕府趨陪記昔年客中多荷主人賢深源興致

元規識工部踈狂僕射憐醉後談諧寬禮數吟

餘評品忝周旋重逢京洛渾如夢更耐陽關唱

別筵

江界鄭使君子文固要贈言率賦以勉之
都護關防黑水濱受降城壓大荒雲貂裘利窟
行商轉夷夏封疆限界分廉操酌泉吳太守威
名射石李將軍千秋兩表知誰繼今日朝廷也
得君

贈淮陽尹使君飛卿

北幕從戎記昔年淮陽府裏駐征鞭山多桂樹
堪招隱地近蓬萊可問仙真訣之教丹滿竈殘
齡休歎雪盈顛煩君官壁籠紗護王父遺篇萬
古傳

贈清風李使君東老

七月長安大火流街塵撲帽正堪愁知君自有
神仙骨作吏猶居寒碧樓勾漏金丹尋秘訣樂
天琴鶴載扁舟憐吾漫結名區想 禁直經年
計謬悠

贈申學士厚載接慰萊府

相門酷似何無忌文雅盛之白玉堂廷議事關
蠻市重使才班輟鳳池忙青看鬢背山浮海紅
指鷓輪日湧桑應和宗人詩滿壁街 綸學士
又東陽申寅伯纓
經接慰

金都事秋萬稅

西河老叟雪盈顛
話及存亡已泯然
冥漠君應未瞑目
嗚呼人不可無年
官纔一命施何啻兒
是雙珠慶必綿
夙昔姻親情自篤
春風哭望上江船

左都憲惠仲敏迪稅

相國家庭好弟兄
清朝標望冠羣英
奇珍儒席光先照
羨玉豐年價孰爭
顯秩倘來都御史
素心終是一書生
金華疇昔同陪講
文學方知實副名

每憶南州受玦忙
直廬相送阻河梁
歸來京洛投閑地
棲息郊垆倚季方
言出愛君胡大罪
飲因無事不瑕傷
原城一別成千古
痛哭公私淚滿裳

關東鄭按使
鑰臨行見訪仍言五世連接
東節曾祖八溪君
退居原州尚有舊宅累
代先塋亦在境內願以此為別語
走賦以贐

卿班按節自尋常
此去東藩最寵光
五世相承無徃牒
八溪恬退卜茲鄉
先藏更近甘棠舍

舊業重新畫錦堂管領蓬山渾漫興名家盛事
合鋪張

仁宣大妃挽詞

宗藩 震極贊 坤德 慈儀協 聖神
化洽二南周太妣功光元祐宋宣仁兆移灤水
纔前歲精返軒星奄此辰天上真遊如有待賞
花催趁玉欄春

羽衛遵江引 寢園波恬鷁路百靈奔當時

鳳輦祇陪駕今日 龍輶哭挽轅 行殿記霑

分膳渥賀班叨拜 賜囊恩追惟往事渾如昨

欲獻哀詞淚已翻

柳掌令延叔 延挽

屈指交驩三十春巷連南北益替顛浮名通籍
青雲晚舊意開樽白髮新玉樹森羅四男子綵
衣輝映八旬親如何謝此人間樂不待銀緋進
秩辰柳以都監勞將陞通政
階未行賞而先奄忽

權執義正叔 格挽

識面芥宮記戊寅君先釋褐我沉淪少陵衰晚
纔通籍長孺風稜尚積薪贛牒何曾隨俗態恢
疎直是任天真蕭條浮世良朋逝唱斷哀歌白

髮新

杏洲歸來亭次主人金尚書題板韻

壽貴先朝少似公暮途閑趣托漁翁洛中社
會耆英是濟曲莊名處士同不改清陰篁滿地
要看晚節菊成叢江山依舊風流盡欲和陽春
愧未工材名栗里故第四云

余與趙尚書珩金侍郎益坐議禮獲

譴同時赴配別來歲已暮矣殊不任悵

錄寄趙台兼示金令趙台時任雙樹驛村

郵村何似水村寒各賦離騷歲已闌禮訟豈因

吾輩設罪名猶荷 聖朝寬夢懸 清禁心常

拱哭望 喬陵淚不乾記得分歧三處別散為

秋葉幾時團

次寄雞林尹權至叔

仙方未學紫河車病眼春來亦廢書暮境自憐
遷客冷窮途敢恨故人踈滄波鷺渚身無絆黃
葉雞林政有譽醉態祇今依舊否二年離別十
年如

江樓漫詠

徙倚高樓晚眺新縠紋波暖一江春圍村遠樹

依依岸點水，輕鷗淺淺濱。風忽送帆如好客，月
仍窺戶覓幽人。鈎簾夜久猶憑檻，却訝吾爲畫
裏身。

栗里主人金台老，解尚州紱將欲挈家歸。
農俾余移棲近村，率鈔簡尾，要以限暮春
姑留。

栗里莊園借一丘，主人彭澤紱還投移家却羨
安。巢鳥去國真如不繫舟，春者可能容我釣，夏
疇猶及理君耰。村閭就屋非無意，奈失元龍百
尺樓。

簡沈仲美要借龍山隣舍

一帶龍江接杏洲，明時同抱楚臣愁。主人賦就
陶彭澤，僑舍隣宜沈隱侯。湖海優游隨我分，鷓
鴒淒息待君謀。衰年杖屨相從樂，絕勝山陰掉

小舟

豐酬仲美

八詠樓臨二水洲，主人高枕散千愁。江山不換
三公貴，詩什能輕萬戶侯。勝地芳隣吾且卜，貧
家新釀婦還謀。朋簪尚恨前期遠，莫惜先催下
瀨舟。

三疊

石尤風色滿長洲佳約差池別有愁天地尚能
容我輩江湖何幸得君侯一技未保安棲計萬
事無如熟醉謀穀雨漲時行且溯預須料理釣
魚舟

雨霽江樓悄然孤坐一甥二姪少年從孫
武科族姪摠五人攜酒而至喜甚賦贈

雨歇春江花意濃諸君乘興問衰慵一杯先屬
何無忌二姪誰為阮仲容童子浴沂多爾趣書
生投筆亦吾宗居然湖海成所會此事人間未

易逢

一杯先屬記實

西湖漁場杏洲為最三江漁子亦皆爭隈
於此時或買喫且可共眺稍慰臨淵之羨
戲賦

鯢鱖春鱗暖躍波西湖網集此偏多病犬漫看
臨淵羨倚舍頻成彈鋏歌換以濁醪時得雋仿
為銀膾興如何漁回落照還堪畫曲渚斜風滿
綠叢

首夏之望往訪灘樓翌日仲羨寄一律走
次酬之

我往尋君花已闌不妨三五月同看仍回小艇
猶餘興却望向樓豈盡驩夾島晴沙供挑遠滿
江烟浪入懷寬抵今萬事灰心久詩酒相忘到
底一作最難

雨中起之掉舟而至次酬日昨示韻

榮落都輸命矣我百年豪氣倚層臺好風穩送
尋幽舫佳雨宜傳志喜杯只隔山溪歸莫促且
爭棋奕興方佳自憐暮境才全退追和新詩亦
頌裁

睡起漫賦錄寄起之促會

湖上清和午景遲柳風輕颺麴塵絲倚樓逸興
知君狂敲枕酣眠笑我衰想遣家僮頻舉網應
呼隣友更敲棋詩腸鼓吹流鶯在似促閑人一

會期

次弼卿韻示起之

酒賦衰年興未殘尚堪風雨過蘇端門關白日
眠烏几簾捲青山岸鷓冠且任繁花經爛熳獨
憐幽竹報平安江湖一病緣憂國消瘦東陽帶
漸寬

次酬弼卿起之

睡起唯聞黃栗留
世人誰識水西幽
披襟岳色常褰箔
照眼花枝故近樓
且任江湖隨處住
本來天地此生浮
猶餘宿習耽佳句
況有同聲和輒求

寄仲美

一讀君詩散愁正聲千載未全休
光增鄴水朱華筆氣厭滄溟
白雪樓白顧汗宜流籍湜應
知目已短曹劉小巫便覺心先沮
河伯寧追海石遊

為別趙疑望會石村翌日欠起之示韻

江深五月爽疑秋
送客兼宜避暑遊
暝後順流
日小艇醒來隨意倚
高樓身名潦倒從吾分
酒賦留連有底愁
幸賴同聲二子相
過百遍不知休

起之來訪示舟中所賦走次

敲棋把酒句仍聯
連日佳遊豈偶然
看處江山堪可畫
買來風月不須錢
披襟快閣微涼度
騁望平蕪落景懸
一棹汾河相訪地
剡溪乘興較誰偏

起之又與弼卿來訪疊前韻共賦

真長安石在車聯揮塵清譚覺爽然其振直聲
風憲席俱辭榮祿水衡錢身如落葉江干聚心
逐傾葵日下懸同病同隣相岸容窮途披寫對
君偏起之窮解是烟兄亦俱以憲職
言事屏逐故起句及上聯及之

二疊酬起之弼卿

佳作重投拱壁聯喚吾當午睡頽然懶休揚子
譚玄草貧乏嚴君賣卜錢風榻客歸江濱滿夜
樓詩就月輪懸東屯西瀼元相近團會還因內
弟偏

四疊

袁楊世胄共蟬聯劉謝姻親更爛然美彩價同
雙白璧瓌材選自萬青錢江湖豪氣樓臺迥詞
賦牢騷日月懸榮辱試看都御史向來爭道
寵光偏

走次弼卿起之喜雨一律

一雨良由祐自天三農相與抃於田誠宜有格
休徵速 聖不為功巽旨宣志喜可無詩迭和
蘇枯渾似病兼痊端居杜老年豐願村社深杯
賀共傳

再疊

槐柳陰濃雨後天，芳洲極目荇田田。習池對酒
唯山簡，御史休官是鮑宣。鬢雪已緣憂國滿頭，
風多賴枉詩痊。江湖十日高樓會，誰倩龍眠畫
裏傳。

次雨聲亭題板韻以副李君彥紀之索

百千榮落摠浮雲，晚計將追學稼樊。笑我平居
無別墅，羨君先業有華軒。雨聲秋後涼侵寺，江
色春來綠映村。宿昔登臨餘興在，會須乘月更
敲門。

贈綾州牧尹仲麟趾善

蕭條吏部宦情疎，湖外還乘刺史車。綠幕黃簾
少公事，白梅蒼竹繞官居。新秋別緒蟬吟樹，故
國歸心鴈帶書。此是內兄曾莅地，向來存沒更
沾裾。

江樓月夜次贈沈甥

滿樽新釀酌蒲城，醉倚高樓月轉明。年事雪添
雙鬢換，世緣秋共一毫輕。蛩音亂向吟邊集，江
籟偏從話裏清。已分此生成漫浪，莫將身計問
君平。

挽李承旨夏

二十登科四十殂銀臺玉署摠須更可憐名早
何終嗇堪惜才多亦暫需兒是典刑俱秀發親
如宿昔重嗚呼泉途埋却精明士江漢秋風淚
滿鬚

對使走次梧灘示韻

多君妙語發天慳忙展詩牋爲解顏遵渚鴈飛
寥沈外倚樓人在畫圖間秋來水色添杯綠老
去霜毛滿鏡斑惆悵仲宣纔赴幕與誰乘興溯
灘還一作玄亭空
憶夜舟還

再疊

病來詩酒興偏慳枯槁相驚楚地顏碧樹涼颼
生檻外白雲秋色滿江間新棲奈乏田三畝舊
學慚窺豹一斑少壯幾時頭已雪仙方無計鍊
丹還

會石村翌朝適得一壺且約漁者覓魚邀
起之仲翊不至走賦一律促之

我往君來只小舟何妨連日作遨遊江潮初上
雨迷渚海燕齊飛風滿樓約束釣徒魚或覓招
呼從事酒還謀閑居興味俱堪詫佳會差池最
是愁

臘月十七終夜大雪江樓朝起四望一色
有一漁翁披蓑垂釣宛是柳州詩上語也
口號記所見

臘前初雪忽紛續曉起江干一望新髭變滄浪
山亦老花開爛熳樹先春閑情坐想尋梅處豐
兆行看有麥辰堪笑耐寒蓑笠叟晚來多事試
垂綸

贈別長興金使君

世鼎

君騎紫馬佩青綯告別江南路正賒禪海魚鰕
饒物產橘林籬落遍人家炎鄉將攝身復健暮

景分離鬢各華何遜春來詩興足幾回東閣賦

梅花

題竹里館示主人具同樞

鑑

君居幽勝離塵紛竹里為名古亦聞中允輞川
重關館將軍何氏早能文藥家瀨畔人烟似華
子岡前物色分休道角巾歸第晚行酬 恩渥
立奇勳

與仲羨起之對酌聯句翌朝用其韻錄寄
相攜勝友俯滄洲杯酒何須共五侯白日遲遲
棋上了清江袞袞席邊流嵇公懶慢仍成習蒙

叟道遙已辨遊醉後送君渾不省依稀沙岸記
停舟

對使走酬起之示韻

竹樓晴景映書巢歎息殘年志業拋羨價君同
和氏璧散材吾似魏王匏沙沉對榻經新雨路
熟緣江俯晚郊乍阻却教詩替面不然何以慰
窮交

述日昨玄江之會示金廣文仲翊萬翼

昨過玄亭幽興長野梅結子山榴香浮瓜沉李
揔時物行酒賦詩仍夕陽官冷鄭虔益踈放途

窮阮籍猶清狂醉來忽憶少年事衰白祗今神
內傷

次起之韻

雲出無心鳥倦歸二年棲息一枝依分甘江海
餘生足資乏田園十口饑老子每扶桃竹杖故
人同着芰荷衣平居佩服前修訓歲暮襟期兩
不違

次酬弼卿

江上高樓每共登沙頭小艇迭相乘兒童或道
是狂客我輩即知非俗朋飲興何妨尋酒店歸

時正合伴漁燈敲棋覓句惚閑事夢斷南柯尋
莫憑

起之仲翊來訪示舟中聯句走次

西樓佳約二君同幾度扁舟自灤東談屑正霏
屏塵外心期相照玉壺中片雲欲落催詩雨高
柳微吹醒酒風幽興未闌先酩酊憐吾衰態已
成翁

又次起之韻

暮途棲止此相依微爾吾今誰與歸郭外澄江
元占勝村中好客莫言稀徐移坐榻青槐陰閑

送吟眸白鷺飛取醉不愁樽易罄散臣端合典
朝衣

申寅伯解西藩來任江榭約與仲羨起之
同訪先寄一律

賜環吾尚卧滄洲納節君仍隨白鷗且待雪堂
攜二客差遲剡曲掉孤舟紛紛浮世無窮事袞
袞長江不盡流悄坐懷人良晤阻獨留明月滿
高樓

次弼卿寄贈寅伯韻

枉詩佳絕逼高岑欲和陽春我豈任按使遐情

鴻的的散人幽致竹深深湖邊舊會應追憶峯
頂新棲可共尋石瀨梧灘閑繫艇待君乘興引
朋簪

次酬仲羨

簾捲西山爽入樽新秋晴景媚高軒霜前落鴈
遵沙渚月下鳴榔溯海門晚境素心終不改窮
途青眼更誰存涼宵稍可親燈火案上南華討
寓言

臨書賦寄權至叔

秋色江阜暮景斜吐霜賓鴈下平沙舍杯政屬

重陽近吹帽還嫌兩鬢華每憶故人淹嶺外何
來遠札到湘涯王弘好事誰能會惆悵無錢對
菊花

重陽前二日任文仲沈仲羨會龍山寄示
席上所賦次韻却寄

漳濱衰病日侵尋蕭瑟詩騷亦楚音吹帽龍山
聞勝會探珠驪穴想豪吟清新沈約高樓句磊
落任公大釣心悵望秋天懷二妙夕陽無限下
遙岑

重陽日與隣社數人會話醉次唐律韻

不用登高素滌源偶攜隣友好開樽江干木落
秋涵影磯畔潮回石露痕挿菊摠非衰境事

賜莫追憶適班恩玄亭舊侶還乘興幕府餘

閑遠叩門起之亦自城中來會

重陽後一日會灘醉賦

灘樓竹館近相望分日遨遊老興長後約更留
三五月佳辰可作兩重陽驚秋華髮盡吹帽向
客寒花勸泛觴已覺浮名都是幻唯將痛飲信
行藏

酬弼卿兼示仲美

憶會龍山醉唱斜滿籬佳菊有黃華放來南浦
乘流鷁歸趁東城返照鴉逸渚瘦峯秋似畫陰
磯踈柳老成查主人健筆凌陶謝題品偏宜詠
鴛霞

次文仲韻寄仲美

急景窮陰歲暮天病夫終日閉窓眠酒樽久臥
荒年後梅萼先開臘月前幾向稽山尋賀老重
遊赤壁負蘇仙江湖舊跡成追憶唯待他時畫
裏傳

次弼卿韻寄仲美

江干棲息與心違
城郭經過識者稀
潘令早衰驚鬢換
隱侯多病減腰圍
田園晚計何當就
酒賦歡悰亦漸微
恨望滄洲懷舊侶
春來佳約在漁磯

酬仲義再疊

何妨世與我相違
郭外僑棲勝槩稀
鏡閣竹林清作韻
倚江枻樹老成圍
輞川居士塵緣少
錦里先生活計微
愧殺滄洲容易別
幾回歸夢亦西磯

走次文仲韻

千般一作酸世味飽曾一作闕來皆牢落
殘年素志乖
任性不妨踈禮法
為文自笑類俳諧
擁書萬卷家逾窘
通道三杯境便佳
卧穩弊廬朝懶起
簪裾夢斷曉鐘街

客歲重陽與文仲弼卿起之會于灘樓酒
賦而罷今又與三君訪灘適是上元日也
灘第道明自南縣來起之將赴端州兼識
其事屬座上求和

重陽之會上元期
令節灘樓訪輒宜
四座誰非前度客
百篇爭續舊題詩
不知錦石秋花艷
何

似冰江夜月奇
祇惜歡悰兼別緒
使君南北送迎時

酬灘翁再疊兼示道西

灘頭聯榻幾相期
城裏關門百下
雪迎暄皺亦奇
堪恨卯君逢却別
未教鳧舄駐多時

贈柳起之出宰端川

直龍直龔雲天二嶺橫
嶺中間是福州城
吾多已閱關心役
爾亦今非得意行道合
展禽三黜直官

宜伯起四知清獨憐
南北類成別無跡
西湖一倍情

為別起之會灘樓走次主人韻

翹塵垂柳颺江村
魚躍春漪閃閃翻
良晤每從佳境辦
幽懷難與俗人論
平臨極浦樽壘迥
近集圓沙鴈鶩喧
末至喜逢驚座客
還嗟關塞攬

離魂

河卿追至

奉寄文谷金相公

壽恒

用清陰集中韻

晚卜西湖作散人
回來東閣隔芳塵
萊公受珙雷州日
賈傅投書楚水春
髭髮涪南應復勝
文

章夔後轉能神誠忠不道要荒遠夢入延英奏
事類

仲玉兄赴赤城翌日大雨終夕率賦却寄
千絲烟柳館離愁一闋驪駒雜棹謳病劇擬分
城外袂情深追及渡頭舟臨江別席今朝隔滯
雨行旌底處留從此閉門窮巷裏有誰來訪與
誰遊

灘翁寄一律要成初度之會走次以酬

桃李敷臉柳舒眉惆悵芳辰病起遲君健促成
初度會吾衰懶和再投詩春疑染齒濃爲盡雨

足沾沙細若絲添箇江居風味好河豚政屬上
灘時

走次弼卿韻寄仲羨配所

乍輟玄亭舊草經江籬新扈綠千莖朝端下惠
曾三黜澤畔靈均又獨行瞻望白雲遊子戀別
離清漢故人情何當更續灘樓會秀句樽前得
細評

暮春書懷寄仲羨兼示弼卿

謝事風塵卧舊棲天時又屬亂鶯啼詩因爾謫
評無伴飲爲吾衰諫有妻長日抵年身漸懶殘

春如夢意都迷書懷與報東屯容惆悵佳期阻
水西

送春日寄梧灘

閑愁黯黯聽流鶯為餞東皇強一觥樂事老來
隨日減芳辰此去隔年迎微雨柳渾如夢輕
薄風花太不情自有青蓮先獲感惜餘春賦待
君評

灘翁居謫一旬蒙宥還灘詩以賀之

孝理殊恩特賜環湘潭逐客一旬還山陰倚
棹催吾興濠上觀魚保子閑白首江湖歌聖

德斑衣晨夕慰慈顏暫時憂樂猶如許何事曾
非造化關

贈弼卿出宰江陵

二刀益部夢初回千里江陵別緒催歷職已曾
都御史貶官猶是小蓬萊行程遍踏鳴沙渚到
日先登鏡浦臺莫道淮陽徒得重吏因儒飾試
君才

梧灘遷客賜環時壺老同君領麾造物本

來多戲劇浮生何處少分離西湖並馬今能否
東郭傳筒孰和之獨有端居張仲蔚閉門長夏

病相隨

贈任文仲出宰月城

分飛一鴈杳東瀛又送雙鳧向月城
暮景駸駸俱已老晨星落落自難并
征途節序黃梅雨祖席風光綠樹鶯
獨有休文同抱病與誰聯騎訪灘行

挽李季玄知白

枚臯荀鶴以人稱何地無才驗
已曾父識相門餘訓襲先鳴詞苑
特恩承貂冠進秩元來旦鳧
治民到底能酒賦左樓渾似夢
那堪人天

一詩朋

次李甥滢四友堂韻

松梅
桂竹

根移秦華氣干雲魂返羅浮艷絕羣
摩詰問來方識爾子猷看處可無君
幽期四友交皆淡大道三杯對輒醺
好是月明人不寐寒香清籟總堪聞

贈孟休徵出宰安東

山蟠小太白相望清洛江光接森茫
羅界一方茲最勝漢朝千石即惟良
永嘉地號同今昔康樂風流較短長
應訪歸來亭上躅可能容易解

腰章

新秋涼雨滴高梧
蟬噪都亭別意孤
從此盍簪乖北巷
與誰聯騎會西湖
朋親漸覺晨星散
年事俱憐暮景徂
自是衡陽飛鴈到
素書頗寄索居無

贈文化李使君 廷龍

久識陳家有季方
搏鵬壯志滯潛郎
之官鳧引王喬舄
為政琴橫宓子堂
靜對松林書可讀
閑收林畝釀堪嘗
山名九月多秋色
拄笏詩成滿錦囊

劈蠲佐酒

盤中劈蠲紫盈佳
恰佐霜寒卯酒觴
應鮮俗人知有味
故輕公子號無腸
侯鯖飫似屠門嚼
禁齋珍非野客嘗
左手祗宜持此飲
尊鱸清興較誰長

重陽日得弼卿二律臨書走次

閉門重九到西暉
孤負攜壺上翠微
度嶺鴈書今夕至
朝天鳧舄幾時飛
淒清節物三秋盡
牢落心期萬事非
且待投簪彭澤日
與君同返遂初衣

灘樓纔訪沈休文白雪新聲醉後聞捲箔共看
湖上月停杯却望海東雲道州遠札來何自獲
府清詩思不羣獨對重陽籬下菊敬亭秋葉奈
相分

權悅卿來訪抽簡齋韻共賦

秋日荒荒秋序闌繁霜落木近初寒
推敲屬我孤吟就剝啄迎君一笑看
幾訪戴逵曾朔剡還從李愿欲歸盤
呼杯共對東籬菊忘却閑愁集萬端

贈金夏卿禹錫赴燕

名祖家聲玉雪姿訓傳忠信使乎宜
王程節序催新臘帝里山河異昔時
禹貢包茅入事變殷墟詠麥容懷悲
天翻三十餘年感摠入烏蠻館裏詩

贈江界柳使君尚運

陰山三丈雪崢嶸都護豐貂可詫榮
塞外范韓新按鎮禁中頗牧早知名
沙鷺絕漠邊風迅鵬沒寒空落照明
試向受降亭上望男兒耻作一書生

除夜賦寄仲義

雙鬢蕭騷百感生，獨憐燈火向人明。
衰翁愧後屠蘇飲，舊歲驚除爆竹聲。
行樂可能追少日，無眠亦自到深更。
知君兄弟團圓處，春滿高堂上壽觥。

贈俞晦伯出宰茂朱

病妨仙漏午門朝，強折南州傲吏腰。
葛令藥成丹竈術，興公霞賦赤城標。
篁梅勝境誰相對，琴鶴閑情獨自謠。
客歲內兄飛舄地，別魂重為送君銷。

送族叔柳蒼老於齊督郵魚川

西陬宿債幾時終，四拜除書十載中。
此去官曹重似馬，向來臺閣暫乘驄。
移舟沮岸陳蹤遍，理屐香山勝賞窮。
眷屬博沙傷別恨，况今衰謝各

成翁

柳叔四拜外任皆是西關而再為督郵

次奉仲美兼寄弼卿使君

灘頭烟柳已依依，雨漲春波近竹扉。
夢裏陳徐聯榻數，病來元白遞筒稀。
書從謝朓宣城府，詩自嚴陵七里磯。
替盍且期花發後，朝天鳧舄幾時歸。

灘樓慶三可宴賀草

良辰勝集水西頭
檻外春波泯泯流
南極老星明
喜席曲江仙舫近
高樓笙歌響
徹驪龍宅
綵舞光翻白鷺洲
知是謝庭餘慶遠
賀章相屬座中酬

酬灘翁再疊

西湖人倚曲欄頭
泛泛輕鷗逐水流
幾處柳風吹酒幔
一番梅雨潤書樓
傳筒仲蔚蓬蒿宅
散策靈均杜若洲
知我邇來憂病狀
枉留住句久稽酬

夏日述懷

梅子初肥榴吐妍
黃鸝紫燕共翩翩
此翁睡足無餘事
仲夏日長如少年
到老漸教拋一作除宿習
投閑轉覺省諸緣
病來酒賦今還廢
坐讀南華第一篇

挽沈靈光父玉玖

螢榻同吾二仲兄
憶從童外慣逢迎
亡琴子敬天倫痛
聞笛山陽日暮情
把酒每思西郭會
緘詞又送北邙行
前秋贈別湖州作
點檢今朝淚滿纓

次酬灘翁

芳隣良友昔相從
乖闕緣吾近
放慵緩酌也應成
酩酊大篇能復託
一作春容西湖爽籟開
簾引址巷蒼苔滿
逕封白雪樓題誰
和得令人却憶李攀龍

贈順天安使君後秦

昇平府號小江南
官况吾凡未到諳
好是秋來持紫蠟
偏宜霜後劈黃柑
富村自昔繁華盛
荒歲須君政惠覃
與寢蘇州吟嘯興
全勝臺省倦朝叅

秋夕前一日出往松楸行過二陵馬上

口占

二陵秋色白雲生
逕路深幽信馬行
雜果垂林多細瑣
昨禽穿樹遞飛鳴
閑情每喜逢泉石
晚計何當返釣耕
人望松楸知不遠
微聞蕭寺暮鐘聲

暮得灘翁述興促會之作走次附回使

擬叩中秋月下門
幾回佳約在湖村
輞川莊上邀衰迪
丁卯橋頭憶許渾
良晤漸驚時晚晚
新詩又到日黃昏
蘋風倚棹汾河興
我病猶堪醉綠樽

次弼卿示韻

遠別關心恰一暮憶從江檻共憑危坡翁赤壁
曾題賦謝朓宣城卽寄詩處世漫存叢桂想懷
人又屬菊花時祇今晚計思量熟除却歸田百
不宜

贈趙勉卿遠期乞養洪陽之行

記昔春州爲養榮大家隨子賦東征拔輿又送
安仁喜 楓陛纔陳令伯情揔荷 聖朝新孝
理非關禁直 厭承明詩篇想得江山助行見宣
城一集成

次酬灘翁

鬢絲垂白眼花漫衰相從他俗冷看宿習尙於
詩律細浮名早已宦情闌舍杯興在秋籬菊高
枕眠宜夏簟玕此道非君誰更會琴中山水賞
音難

贈趙疑望之任固城

江村酒賦送君行記昔雙鳧向赤城湖左歸來
猶隔面天涯離別又關情樓船海濶隨楊僕棨
戟門高近柳營傲吏不妨時束帶肯將榮落較
身名

贈李仲羽出宰仁同

曾持玉節按南維
潦倒茲行困一麾
素位不關榮落處
暮途非復別離時
召公棠化留餘頌
何遜梅開賦幾詩
西壤耦耕兄弟樂
春來歸思子規知

贈別尹泰升增出宰晉陽

重溟出守大荒遷
慣送君行遠別筵
離緒祇今偏作惡
險途難盡轉堪憐
炎州豈是清涼地
衰相都非少壯年
一壑臨瀕棲息計
嶠南千里夢依然

泰升曾牧濟州又謫鏡城故起句云

東里兄病後弼卿自臨瀛來壽走次席上

韻

霏微好雨政知時
春滿華筵晝刻遲
秦地早花迎遠客
謝池芳草照深卮
歡娛恰慰年來劬
力不言情後衰志
會已照坡頰作退才
還愧題詩

次東里餞弼卿韻

花動秦城雨送寒
一樽那盡對君歡
吳歌轉助離懷苦
郢曲元知和語難
壽席纔開荆樹下行
旌又指海雲端
春殘鏡水波如練
歸泛蘭舟興

宋蘭

花事滿城有懷灘翁

花時把酒輒思人江閣知君曉噫頻穀雨侵磯
新漲浪河豚上瀨已磨唇逢春亦少歡娛興垂
老唯餘見在身稍待桃華方爛熳擬將蓑笠伴
玄真

三春已盡花事全衰只桃花未及開偶閱
坡集有且看桃花好面皮之句仍演惜春
之意錄寄灘翁

浪道春光大較遲梨花欲謝杏全衰但將美酒

澆膏次猶待天桃看面皮人閱少年成老叟天
教餘閨借芳時直須火急催行樂世事紛紛
不知是歲有閏三月

走酬灘翁再疊

午枕尋常睡起遲閉門春盡歎吾衰休為青白
嗣宗眼尚有陽秋季野皮布穀政當催種日河
豚已過上灘時濠梁谷口漫相待耿耿此懷君
獨知曾欲歸耕江上近又有觀魚之約
而俱未得諧故下聯及落句及之

與灘翁有花時觀魚之約約未成而花已
謝漫憶江山之勝錄奉一律

舉網西湖計墮空韶芳一瞥亦忽忽江流不改
千年碧花事元無十日紅夜笛細搖漁市月春
衫輕颺酒旗風秦城把臂懷疇昔惆悵樽前共
禿翁

仲玉兄宅醉贈琵琶師白周生

明妃遺響在胡琴哀怨千秋曲裏深古調酌今
知國手商聲變羽感人心鷓絃鐵撥坡翁句鬻
語泉流白傳吟憐爾不曾逢二老世間誰復賞
希音

苦熱

庚熱兼歎旱焰張矮簷那得一分涼慢膚可耐
韓多汗大叫幾成社發狂河朔巨觥排酷吏濤
陽高枕到羲皇除非二策難逃暑醉睡無妨迭
作鄉

秋夜聽雨有懷梧灘

梧桐葉上雨聲高秋夜懷君詠楚騷老去此身
同繫驥世間何事勝持螯陶潛且採重陽菊放
乘應觀八月濤一笑擲前期不遠天教閑興屬
吾曹

重陽前一日示隣友約登高之會

忽驚明日是佳辰強欲登高老興新
好雨先催重九菊芳隣恰有兩三人
華顛不必羞吹帽小戶何妨醉吐茵
解道難逢開口笑直須沽酒撥家貧

重陽日與社中三人登北麓醉賦屬座上

兼寄灘翁

九日登高學少年四人乘興忽華顛
酣霜赤葉偏宜賞冒雨寒花亦可憐
落帽益嘉傳故事攜壺杜牧有新篇
樽前獨恨休文阻江閣佳期待月圓

重陽日余及灘翁各成隣會翌朝得灘詩

次韻却寄

重陽北麓榻頻移惆悵西湖未赴期
屬我盍簪隣社夕知君爭席野亭時
茱萸插遍還嫌老叢菊開遲政待誰
忽得新詩能會意一回披讀一

回思

余於社中三處移席起句記實

贈李擇之選之任沃川

人皆欲買沃州山君佩魚符向此間
久識升沉都是幻卽看行止轉多艱
北堂萱映稱觴壽東閣梅供覓句閑
搖落別懷當暮景雪深清臘掩

柴關

贈襄陽柳使君楮

正月青門柳已絲
銅鞮一曲送君詞
峴亭水綠沙如雪
洛寺雲紅海浴曦
逸躅試尋龐姓老
豪風應醉習家池
流芳不必干公后
要使襄民口有碑

霽月甚佳病餘寓興錄示伯姪

東山月滿雨晴餘
壯麓人閑病起初
身到暮年那復健
興因佳境未全踈
春醅斟冷憐浮蟻
時物嘗新愛淨蔬
阮宅韶芳應漸促
小桃消息問

何如

春眠晏起

春騰曉睡味偏真
雷鼾從教撼四隣
老態幾回愁永夜
昏魔今却惱殘春
三竿日影升簾幕
百轉鶯聲喚曉_{一作繞}
枕茵韞馬何如舒
膝穩閑情不博早朝人

將赴堂姊初度會陸馬油斗望夜花月甚

佳戲述病懷

次公醒赴一樽期
墜馬先因歎段疲
快處杜陵曾暫蹶
醉來山簡亦能騎
兩翁豪健俱堪說
此

老摧殘最可嗤猶幸持杯手無恙忍孤花發月
明時

贈尹錫世紀佐幕關東

不見金剛鬚已絲送人雙屐每題詩蓬山屬我
何無忌蓮幕須君度杲之賜谷近臨滄海濶首
城遙望白雲遲奚囊千首歸應說也是衰翁刮
目時乃翁時
空晉陽

贈吳元徵斗寅赴燕

坡翁卷裏記朝天季札觀周閱幾年犯斗仙槎
曾勅碣李家使節又遼燕傷心萬事渾非舊刮

目下篇可繼先驛路新涼征邁穩輶車好趁臘

前旋

元徵先考天坡公曾
在皇明泛海朝天

贈稷山李使君黃瀟

謝庭蘭玉早知名壯志圖南鬱未成仕或為貧
聊爾屈養能伸孝亦云榮小封自可鳴琴理孔
道休嫌束帶迎先相觀風曾此地官卑猶足繼
芳聲

宿草郊村全

茅茨孤燭翳還明卧聽村鷄第一鳴歲歉憂民
眠未穩年衰作吏意難平含杯漫憶閑居興覓

句唯舒遠客情明日郡齋愁絕處案頭依舊簿
書盈

九月山濟眾庵口號

絕頂肩籃日已斜險途方盡是恒沙祖師龕下
燈如月簷葡林中雪作花老守憂民詢穡事高
僧留客說蓮華恠來何物棲雙樹青鴿飛歸趁
暝霞

走次李甥觀周示韻

眉顰鴈鶩抱文書忽接君詩意豁如千里遐心
同海鶴一春羈思似池魚民憂漫切饑荒後吏

役何堪病懶餘彭澤秫醪須興盡片帆歸計未
應踈

次灘翁寄示韻

君患多才似陸機暮途優逸世緣微輞川別墅
新春望彭澤扁舟幾日歸千里吏情良獨苦百
年吾道已全非前期更約滄洲伴從此風塵可
拂衣

大殿春帖字

癸卯
居首

淑氣葱蘢禁苑東春光先入大明宮仙班乍定
天方曙法酒初宣日正中禽語似知歌 聖德

柳條如欲扇仁風均涵衆象陽和遍八域歡聲處處同

大殿迎祥詩

癸卯居首

千官曉趁禁城鐘佳氣葱龍擁九重歲律已從
葭琯改春光偏向栢樽濃陶勻萬物涵新化和
婉三朝想御容寒退講筵宮漏永邇英昕夕
引夔龍

大殿春帖字

甲辰居首

陽和藹藹殿嚴冬獻賀千官趁曉鐘禁裏韶光
春入柳仗前佳氣雪消峯參差細菜傳初嫩歛

灑香醪薦更濃莫訖漢文寬大詔 聖朝新下
紫泥封

大殿春帖字

丙午

雪邊鄒律暗勾回明歲春先一日催嫩色漸從
宮柳着新聲已逐苑禽來盤中細菜傳絲送勝
裏金花剪綵開講罷邇英清漏永 君王時復
在靈臺

是歲立春適在除夕第二云

大殿端午帖

丙午

鸞輿還自水晶宮 玉體康和喜氣融湯野霽
均千里雨舜琴熏入五絃風銘盤乍輟推新化

經幄重開進 聖功却把吾 王無疾頌更逢

佳節賀天中 時纔返温泉之幸

王大妃殿迎祥詩丁未

三元佳節協昌期春滿 東朝淑景遲螭陛競

呼千歲筭歎擗低壓萬年枝歡融 文子承顏

日慶待 神孫册命時自是徽音光古昔擬將

嘉頌續周詩 時將行册禮故第六云

世子宮端午帖 庚戌

冲年盛禮已勝冠重潤歌傳八域歡令節歎擗蒲酒嫩炎天金梳羨漿寒宮中樂事承顏侍卷

裏新功拭目看講罷宵筵知有喜邇來周豎報平安

騎省見二毛 以下月課○此二首壬寅秋居首

自笑微官似馬曹故園歸思集朝袍新秋鏡裏偏增感壯歲頭邊已換毛覓句助斑駁用鐸緣愁添箇不禁搔功名太拙吾衰早直舍孤吟強染毫

南昌赴宴

文星一點照孤篷磯畔何來白髮翁擬使馬卿催賦雪故教宗慤乍乘風江山盡入千勻筆聲

價爭推五尺童霞鷺至今留勝槩世間誰復品
題工

瀟湘八景 壬寅冬

春回漁店柳陰繁夕照依微映板門烘暈曳紅
渾射岸炊烟噴白忽迷村攜竿別浦分歸影灑
網踈籬見濕痕薄暮商帆何處泊取鮮入語隔
江喧 右漁村夕照

雨歇春山晚放晴濕嵐迎旭翳還明粧成濃抹
疑西子標建輕霞恍赤城小市戎戎屜不辨高
岑點點髻微橫丹青最是難工處變態朝昏各

有情 右山寺晴嵐

林端暮靄引踈鐘寺在依微第幾峯行子正喧
爭渡艇歸僧忙擲上山鈴聲飄十里江雲杳鳴
趁三竿嶺日春却憶姑蘇城外夜到船清韻助
詩鋒 右湘寺晚鐘

極浦烟波漾落暉倚欄清眺送依微曠如好客
孤帆出快得長風萬里歸樹外乍迷高嶼轉天
邊閃掠遠鴉飛秋江穩掛渾無恙應趁鱸魚膾
正肥 右遠浦歸帆

蒼然楚望森長洲半映君山月上樓圓魄函虛

一倍色澄湖徹底十分秋影侵沙際鷺疑雲印
在波心魚怕鈎買酒白雲無限興清光都載謫
仙舟 右洞庭秋月

秋陰拖雨滿三湘亂灑蘋洲入夜涼圓未散跳
千點浪明珠滴碎萬竿篁淒迷暗鎖虞妃恨斷
續頻回楚客腸幾箇孤蓬愁浙瀝也應來日帶
歸檣 右瀟湘夜雨

水國蘋風散晚霞鴈拖殘照下平沙寒空印處
冥冥遠暖渚遵時故故斜秋半虜絃愁塞外月
中靈瑟聽湘涯驚人不作高飛去意在汀蘆萬

點花

右平沙落鴈

向夕寒嚴雪意牽上龍鱗甲翳江天溪頭訪友
人回棹驢背吟詩客聳肩飛絮撒鹽詆各妙擁
爐垂釣興誰偏都輸一白乾坤了只有歸鴉點
暮烟 右江天暮雪

新燕識舊巢

此二首癸卯春居首

遊絲落絮媚芳辰社燕飛回定幾巡任是自來
還自去似曾相識故相親巢從每歲尋仍慣語
到今春聽更新休道啣泥附炎熱田家依舊主
人貧

惟有東風不世情

煽得陽和百草萌東風於世大公平蓬蒿宅裏
皆交翠桃李門前等向榮物性豈曾隨俗態天
機都不類人情莫言沙磧無春色猶遣昭君塚
上生

梅雨

此二首
癸卯夏居首

江南物色近黃梅梅子黃時好雨來密葉灑涼
排早暑老查經潤長新苔霑宜道暘絲絲遍熟
爲鹽羹陣陣催最是一番迎送處幾回清景入
詩裁

麥秋

高低麥浪漾西疇四月田家已報收書識曾經
徵歲熟薦登周廟作時羞天中赤日初行夏野
外黃雲別有秋自是上場先百穀故教詩雅頌
來牟

搖落深知宋玉悲

此二首
癸卯秋居首

落木風吹短鬢絲客懷膠慄楚江涯山河正屬
商金節詞賦長留宋玉悲景物四時秋易感襟
期百代我偏知人情自是思先獲今古蕭條一
詠詩

秋光都似宦情薄

幕府西風日夜清故園千里客懷驚天教冷淡
為秋色人閱酸寒比宦情老覺浮名同葉薄病
拋微祿等毫輕朝來拄笏歸心决官長何須罵
步兵

中夜悲歌泣孝宗

喬山松檜鬱嵒峩十載遷臣兩鬢皤命幸全
恩似海龍髯莫遠淚傾河深仁沒世均霑化私
慟中宵獨放歌今日對君同感舊貞元供奉已
無多

坐春風

甲辰春
居首

映座光輝德潤身一團和氣繞芳茵叨陪門下
纔經月始識人間別有春元化運行全體妙暖
風吹煽滿腔仁金聲玉色薰陶地心醉歸來若
飲醇

畫錦堂

甲辰夏

清朝名德冠巖廊建纛歸來即故鄉不逐人情
誇畫錦唯將相業侈華堂神功雨慰三農望雅
志花憐晚節香紀實更留歐老筆百年瞻仰並
輝光

秋風老將心甲辰秋

苔沒長槍卧綠沉隴西豪氣到如今每從秋謝
雄危鬢不逐年衰是壯心程計黑山宵裏了陣
思雲鳥眼中森逢人漫說三邊事迢遞關河夢
獨尋

次錢起扈駕幸溫泉宮韻乙巳夏

輦路塵清報禁鐘羽旄晨拂瑞雲重離宮縹緲
開雙鳳御水逶迤駐六龍春滿法樽寒退仗暖
熏湯井雪消峯朝來特賜長纓浴曠世榮光雨
露濃

危樓望北辰此三首
乙巳秋

危檻踈簾夜上鈎獨依南斗望神州長懸日下
孤臣戀極送天涯萬里眸象緯列星元址拱朝
宗眾水必東流三更風露侵衣袖多少寒威想
玉樓

每逢佳節倍思親

強欲登高百感新異鄉千里隔昏晨風吹孟帽
當佳節淚濕茱萸衣憶老親菊蕊不須開九日草
心難得報三春茱萸應插連枝會夢趁庭闈上
壽辰

長貧任婦愁

詩富一篇不救貧百年愁殺室中人
恒饑一任淒涼色熟醉長為酩酊身
計拙謀生吾自笑憂深主饋婦宜
嗔秋來芋栗收還足契濶休言太
苦辛

斬蛇劍已多

劍名天子說南華不是尋常等
鏤故借真人追逸鹿賴將神物
斬長蛇澤邊心逐今宵壯海內
威從異日加可惜桓靈還倒柄
竟輸三尺屬誰家

次早朝大明宮韻

丙午春
居首

曙雲平覆掖垣長花底千官韻
水蒼法殿乍開瞻蕭穆黼衣高
拱煥文章風傳玉漏頻移箭烟
散金爐細浥香起草明光人共
羨誰將傑筆擬

盧王

右賈至韻

春城曙色動微寒上苑鶯花節
序闌燭映暗磚催學士仗移文
陛唱臚官徐回扇影香初散忙
演詞頭墨未乾解道聖朝佳氣
象掌綸家世似君難

右岑參韻

曉旭欲昇温室樹露華猶濕未央
桃千官影逐

班心整萬歲聲傳仗外高花雜酒香來襟帽鷲
添詩料入濡毫躬逢盛際同歌頌騎省何人歎
二毛 右杜甫韻

九陌鳧趨逐漏籌午門風露襲衣裘三竿麗日
昇金闕一朶祥雲捧玉旒擎出獸樽殊渥遍散
來螭陛御香浮流鶯弱柳歸題品春滿詞臣彩
筆頭 右王維韻

每看兒戲憶青春 丙午夏
居首

殘年閑弄所嬌兒記得衰翁幼稚時手抹墨鴉
看爾戲身騎竹馬憶吾嬉千回上樹渾如昨同

隊吹葱更有誰相對幾多開口笑老難重少却
生悲

筑中鈞 此二首
未夏居首

劍化為鈞入筑中彼庸非是效伶工操音不改
燕南曲尚節猶傳易水風俠氣已輕捐七尺壯
心何害矐雙瞳從來寸鐵銷難得更費浪沙誤
擊功

杖頭錢

招呼從事到青州酒債尋常在杖頭行處便傾
鸚鵡勺沽來不用鸚鵡裘當壚自足隨身辦入

室何須與婦謀但賴孔方兄日飲全勝吏部囊
問偷

林下何曾見一人丁未冬
居首

城市相逢名利人無人不道厭趨塵身當遜野
誰能勇語到休官却未真朱紱自多羈處力青
山空是夢中春高情獨有陶彭澤一棹歸來岸
葛巾

二扇此三首
庚戌夏

刻竹裁紈制最工團團明月訝偏同不須便去
張公面可是揚來謝傅風酷吏敢專行暑力化

篋中
翁先讓煽涼功人情觸處思終薄零落高秋葉

簞

琉璃八尺爛輝光織取瀟湘染淚篁工部酒醒
偏憶爽法曹膚慄恰宜涼炎排鄭谷堪留客感
惹潘郎為悼亡誰道平生無長物憐渠風韻獨
難忘

冰

履霜終至爾功完能占人間六月寒分得宮恩
宜暑喝飲因王事想艱難幽詩詠鑿徵民頌魯

史書無戒後觀直在玉壺清更徹不妨相對照
心肝

明年太歲在涪灘此二首
辛亥春

江南王業尚今偏聖祖龍飛運更旋一統庚申
為太歲三周甲子在明年乾坤再造期應滿否
泰相乘理亦然記得先人當日語白頭和淚寫
新篇

舊雨來人不到門

蓬門雖設未嘗開舊雨人今斷不來酒有新酌
誰對酌燕如曾識故飛回浮雲俗態俄蒼狗委

巷陳蹤但綠苔試看崔羅廷尉宅何須徑路歎
無媒

次曹組寒食輦下詩此二首
代人製

草暖秦川午景明萬家風物屬新晴空齋禁火
思鄉句御柳飛花絕代聲野外紙錢尋墓去陌
頭金絡踏春行佳辰忘却身為客且醉衢樽頌
太平

次韋莊長安清明詩

綺陌春芳媚午天故園歸思草芊芊烟生禁裏
新更燧酒之囊中舊換錢街暗流塵馳蹴鞠柳

迷飛絮送鞦韆昇平往事憑誰道空把遨遊付少年

七言排律

憶昔四十韻

葱鬱神京氣自佳百年豐豫運無差蕭何法律垂宏制陸賈詩書接泰階日月高天收燿火陽春幽谷起陳芟春陵客引三千士田實門臨十二街得意虞卿輸白璧逢時范叔結青緡盤開承露金莖直池闢昆明畫戟义女草子雲誇羽獵玉桃方朔任詼諧茂陵書上封梁父天馬歌

成詠渥洼跨魏文風驅正始觀周雅樂黜滛哇秦川草暖香車散漢苑花明錦障排衛霍勳功馳羽檄金張豪貴列鸞釵論交燕市青萍劍結伴章臺白鼻騮潁水清來橫大猾邯鄲曲罷醉嬌娃時亨國泰知難極人事天機看或乖址拱心懸燕闕下西來兵起鴨江涯銅駝顛倒悲都邑鐵騎憑陵捲虎豺趙祖渡江泥作馬晉陽沉竈水生蠹作車武制殊軒后鍊石神功失女媧雲鎖園陵連莽蒼草生郊壇絕燔柴潼關潰卒寧論險仙鎮班師不待牌萬里陰風吹月色三

方積雪照人骸旋旗僅保唐巴蜀舸艦誰防宋
海崖泣路王孫悲寶玦趨朝工部着麻鞋計存
宗社羞天共事有經權易地皆誰遣曾連扶節
義久知元禮作模楷楷是仄韻而先輩集中崆
有以平聲用者今從之
峒雨雪初回駕蠻觸風塵暫息蝸燕質歸期天
雨粟宋臣冤血市名柴衣冠文物渾如夢城郭
人民只愴懷王謝堂前舊時燕汾陽門外夕陽
槐時移事變者灰劫物阜民安想土堦商嶺紫
芝誰避世小山叢桂欲尋淮泥塗半世身將老
關塞何時眼可揩玩易閑情思蜀肆還丹秘術

憶洪厓燕臺豈乏黃金築豐獄空教紫氣埋跌
宿江山誰主客逢迎塵世少朋儕清談肯許王
夷甫妙藝休誇蔡伯喈四海知心唯簡冊一丘
容膝有茅齋蔬畦雨過栽葵韭茶鼎灰寒撥豆
楷隨柳傍花從自得浴沂風舞與誰偕題詩欲
叙中年事語豈驚人殆類俳

一體君臣祭祀同二十韻

天春真人運際隆應須羣策屈英雄商家聘幣
迎莘摯周室經綸獲匪熊炎火正衰皇漢末風
雲歎感草廬中方當再造寰中會獨任三分海

內功三顧以來期報答一言之契動昭融金甌
舊物千年復玉壘新封萬里通擬剪江東如破
竹將收鄴下若旋蓬人謀豈乏良圖展天意終
教伯業窮雲晚九疑仙馭遠風悲五丈將星空
興隆可待還齋志成敗何論只鞠躬漫有末音
存付託長留兩表見精忠扶顛長策恩光武遺
愛甘棠憶召公古壘猶傳渭水曲遺祠特立錦
城東三川民俗憑欽祀一體君臣配闕宮應有
精靈九地會故將香火四時同丹青窈窕衣冠
肅黍稷馨香俎豆豐幾處清醑供蜀婦每年寒

食走村翁功留沒世寧無感報切遺氓不墜風
千載遭逢想魚水一方瞻仰並蠶叢當年竟失
吞吳計江水滔滔恨未終

贈濟州牧崔而栗覺六韻進退格

曾向蓬萊按節行一麾仙賞又炎漠馬騰千里
多生冀螯戴三山此號瀛秋實后皇嘉樹橘天
文南極老人星見聞應叶齊諧恠忠信能教海
道平世外須君尋六藥塵中分我制頽齡憑傳
二首湘潭客詩札纔回眼倍明

泛翁集卷之四

泛翁集卷之五

豐山洪柱國國卿著

五言古詩

磨天嶺行

惟天有設險險莫如茲嶺
轟轟上磨天名與實
相值吾觀輿地志厥初
此路梗有人尋牛蹤開
鑿通人境雄蟠鎮坤軸
高聳棟斗柄逕似虬蛟
曲縈紆一何求鳥道與
羊腸於此論一併冰棧
倚鐵壁石角尖且硬我
僕告疲憊我馬失強倮
深沉瞰大壑難測千尋
縷肩籃歷阻折性命在
俄頃退之咋指戒令人
發深省谷藏魑魅妖林

伏虎豹猛畏途儘崎嶇到底增憂悵叢薄纏藤
蘿樛木雜柟杏蕭索盡萎枯風霜逼晚景挺然
嶺上松歲寒方知勁譬彼正直士摧折猶骨鯁
陰崖有巢鷲獨立毛羽整高飛萬里志一瞬可
以延嶺限南土關盛夏尚凜冷况我辭京國政
屬冬之孟衝寒度塞門幕府遙指鏡至月始踰
嶺玄冥氣轉盛徒旅相攀牽凌兢涕橫迸遂登
最高頂曠然四望騁屹起長白山雪色寒相映
巉巖與嶺齊對峙如爭競俯視鬼門關滅沒雲
霞影高低隴樹遠眇若參差行巨浸莽空濶洋

洋何處竟倒景蘸半溟疑開金璞礦三島知不
遠使我空引領址眺靺鞨墟杳杳流沙復狂飈
捲大漠怒號如威令壯心撫一劍叢爾彼夷憬
累朝軫備禦憂不弛乙丙于今刁斗絕敵情猶
難偵綢繆倘失宜有難誰能靖麗代有文肅驕
虜不敢橫先春嶺上碣千載留名姓 本朝金
元仰盛業何輝炳經營六鎮設風烈起人敬男
兒生世間誓當繫胡頸此志成濩落在苒時難
更瞑投倚海堡初月懸金餅蕃將負弩迎胡姬
列矜娉錦瑟間清樽豔冶新粧靚鯨濤撼客枕

不寐聊中聖念我素懶拙端居守清淨閉門息
交游書史以涵泳榮宦是倘來通籍倚華首志
不爭名利姿又乏諫諍斯役乃分宜自甘蠻貊
屏飄颻關嶺間世味識槩梗然吾視宦海風浪
無時靜苟不戒冥行一跌墮坑窞彼此孰險夷
較來翻然惺驅馳肯憚勞壯觀亦一幸嘗慕子
長遊夢想恒耿耿今始償宿願庶免蛙垆并矧
伊評事官機務元無兼身依節度營如木之贅
癭不比二千石分憂察民政青油談笑地鎮日
唯觴詠司馬自方外官早尚何病但當隨所遇

安之皆若命叱馭九折坂如赴周達正天必玉
我成增益先忍性人宜於我行匪信而伊慶題
作紀行篇排悶信毛穎

走賦謝金仲翊柳起之同舟來訪兼寄沈

仲羨

端居日以閒了無車馬跡羣蜩噪高柳嚶嚶東
西陌好鳥求其友和鳴集灌木覽物懷伊人我
思勞日夕豈無丘中伴相過慰幽獨求羊二仲
至歡緒一何是把臂指竹林敷腴色可掬隣墻
過濁醪我蔬園中摘湛湛江水流臨江送遠目

晚色淨芳洲。霽景浮深酌。嗒然南郭。綦轉作玄
談劇可笑。山李倫接。離還倒着。萬事髮已白。且
覆杯中。涿驟雨一霎歸。頓覺驕暑滌。露頂迎爽
氣。諷詠雜諧。謔捨馬客。登舟下樓。我移席欲起
更挽衣。幽興不可極。只恨沈休文。邇來阻良覲。

走次灘翁韻

涼颺逗古槐。病葉已隕柯。徂序政晚晚。我思在
伊何。白髮灘上翁。林壑閑婆娑。朗詠招隱詩。挂
樹山之阿。悵望終永夕。夜久轉星河。良辰可乘
興。端正月舒波。

八月秋氣高。佳菊綻離東。覽物懷我友。突兀倚
窓櫳。何當命巾車。把臂竹林中。文章竟安用。鏤
冰徒費功。賢達摠湮滅。陳跡但泥鴻。平生滿樽
酒。獨對梧灘翁。

迪兒冠後灘翁賦寄長句次韻示兒用申

祝戒

汝年長而成。汝質端且良。我友相汝冠。殷禮亦
不遑。三加撫汝頂。一舉醮汝觴。勉汝行誼敦。祝
汝壽祺昌。羽儀若祥鳳。挺特如高岡。九萬期汝
程。圭組耀軒裳。繼我祖先業。翊我 聖明王。汝

惟敬恭聽再拜訓辭將孝悌有餘力苟通文墨
場無若乃翁懶令名宜遠揚

寄別晉州牧李季羽

秋氣日淒清覽物傷我情況此搖落時又送君
遠行齋居阻行塵望望清漢津去矣莫踟躕嶺
海寧死人

哭權至叔

昔君方弱冠我是少角時行年校五歲許我肩
隨之並榻我仲氏夜讀匡山燈文辭君已博蓋
不專一能至若有韻作君嘗讓我仲聚散迭悲

歡鴻沙跡如夢我亡子敬琴君愴山陽笛逢場
輒懷舊淚向杯心落我伯鑒賞多每期君遠到
年位止於斯明徵久顛倒脫屣水部名翩然去
遊岱應逢我伯仲道我蕭條在

大夢孰非幻下壽不是嗇達人無怛化何爲浪
沾臆三號秦佚悲所悲失良友我畸罕交游懶
悞相成久出門何所之馬首輒南郭驩然道平
素袞袞呼大白清言雜善謔絕倒王平子傲兀
萬物表那解皺眉事冰壺一片心白首以爲期
客歲我送客共君菊花卮此會僅閱月遽報君

長逝痛哭寢門外獨立人間世荷鋪伯倫埋輟
絃子期殞黃壚視雖近邈若山河遠侵晨祖馬
嘶廣陵雪嵯峨大招君莫留咽不成輓歌休文
寄君作君病筒未遑追成歎逝吟和罷又一涕
想君知不知哀哉脩夜間能憶八詠樓春來新
酒熟

走次仲羨秋景長句兼示允迪

節物日搖落荏苒佳期晚故人在灘上幽棲聊
息偃練色淨鋪江秋光濃染巘風烟困驅使筆
底何曾遁郢曲和固難強策才驚蹇遇我幾投

轄杯行從袞袞同好德水子風流是南阮相攜
俯滄洲白鷗何宛宛朗撫中散琴目送飛鴻遠
何當續舊會斜日澹忘返

次李白紫極宮感秋詩

以下月課
壬寅秋居首

客行似轉蓬秋懷倚踈竹覽物自多感清淚盈
我掬稅駕紫極宮寒宵塊處獨世味飽酸醎身
計無歸宿漫賦屈子騷未就君平卜知非自今
日尚可不遠復潯江爽氣來引滿杯且覆浩歌
仍醉眠一枕黃粱熟

石鼓

此二首
乙巳冬

世代閱萬變古物獨石鼓周宣昔蒐岐功烈紀
神武其文何灝噩可並典謨數詰曲篆籀法軒
頡以爲祖不隨陵谷遷長音後人覩雖云久已
訛殘缺尤奇古傑筆歌者誰後軾而前愈才薄
奈吾何續詩吟漫苦

禹鼎

器有靈莫測異哉神禹鼎形包百物備足象三
德並衆魅罔不懼人鬼遂遼迥乃使上帝格玄
理誰能訶自夏歷商周古金光逾炯吁嗟王道
衰至治世降等楚強問豈敢秦垢污不肯終然

淪泗水暴君何由拯

七言古詩

與鼎卿兄泛月琴臺醉賦

自我辭洛來中原索居抱病常掩門客裏逢人
眼不青幽懷鬱鬱誰與論吾家惠連宰嶺南近
者作賦歸田園隔水盈盈地相望還往喜甚吹
荒燠欲待中秋司賞月月色不放秋陰繁莫嗟
好會易差池且遲數日開清樽朴氏亭子檀上
游相與盍簪來憑軒不須滿酌先酩酊興在放
舟期黃昏酒半俄看月東出雲間灑灑黃金盆

催移坐席泛中流四望頓滌膏襟煩月岳嵬峩
倚天起衆山拱揖如兒孫巨靈何時劈兩峽水
勢咆哮中坳坤流爲北津抱州府或涓或灘千
里奔于勒臺高但疊石金生庵廢空毀垣庵中
落筆臺上琴秬今往事鴻沙痕百丈渟泓深莫
測疑藏老龍之蜿蜿捷水逶迤古戰場先朝
將士爲蟲猿惜哉不講用兵術身殞未報明
主恩倚棹懷古一長歌爲吊國殤傷心魂露冷
蘆葦宿沙鷗夜深風浪吹江豚微微遠鐘來底
寺點點踈燈知別村隔岸漁人撐小艇舉網得

雋聞語喧汾洄鏡裏隨所之樂極車轉飲如鯨吞
三更灑氣襲蓬窓恍見孤鶴橫江騫衣袂飄飄
欲輕舉如登閬風躡崑崙坡翁逸氣凌赤壁子
長壯觀浮湘沅茲遊跌宕追二子况乃座上俱
弟昆江山流峙閱萬古賢達登臨經幾番俛仰
古今增一嘅逝者湮滅皆無存請君試吟將進
酒紛紛世事何足言

行營次東岳出塞曲

歲晏北門天苦寒冰滿交河邊土裂嫫姚自領
二千兵出塞戈鉞映朔雪桔槔峯上暮烟滅夜

靜黃沙候騎絕漢家神將不可當單于遠遁乘
月黑明朝擬戰桑乾源秣馬龍堆待曙色

次東岳入塞曲

日沒雲中千騎還壯士洗劍交河水履胡之腸
蹀胡血奏凱歡聲騰壁壘元戎意氣臨瀚海滿
酌葡萄酒玉帳裏襁褓兒爲萬戶侯歸來甲第長
安起可憐數奇李將軍寂寞屏居藍田里

鏡城評事衙後栽花漫賦

北邊節候春苦晚地瘦且不蕃花木暮春將晦
首夏屆嫩色始着山躑躅書記官閑無一事縱

欲賞花花豈得朝來好雨正霏微趁此爲移芳
叢植先培躑躅又杜鵑排列庭除兩行直危根
新帶客土淺况復陰鄉陽煦薄未信今年開未
開留待明春詎更十只是殊方對佳卉若在京
國情何極京國韶華應爛熳胡爲尙作關山客
波翁惠院詠棠篇退之南州賦杏作追思二公
三歎息詩意寓感同今昔寄語後來同志人要
須繼我加護惜

走酬仲羨兼示起之

故人贈我以瓊瑤我欲報之慙木桃憶爾少遊

翰墨場氣奪東方左史袍落筆中書觀者聳睥
睨俗物誰爭真豪曩者官以諫爲名直辭橫截岷
峨高士師三黜道不屈澤畔遇我同吟騷有美
柳侯清且婉詩如謝朓賦枚臯抗章一鳴輒見
逐世人視之若弁髦傲骨不受流俗憐安能下
首而高尻意氣窮途隣不孤天教滂浪須吾曹
興到頗成汗漫遊揚帆直欲跨金鰲跌宕樽前
千首詩長吟渺若奏雲璈白雪陽春振絕響回
風大海生層濤掀髯一笑俯滄洲驅使雲烟歸
彩毫山翁倚醉能騎馬吏部適意唯持螯鼎坐

三人迭倡酬同鳴雙鳥爭翔翺登江練色赤城
霞詠罷興韻炎可塵浮生不樂奈老何且須乘
燭停歸舸

次仲美雙韻長句

臘後六雪增沍威春澁早梅凝烟霏想君湖上
獨掩扉恰似漢陰翁息機襟期不與古人違肯
數衣馬誇輕肥笑我仙緣老轉微浴髮未向咸
池晞世間良友似君稀蘭麝綴佩多芳徽鵬方
展翼不盡飛鳳豈啄粟無嫌饑伯玉行年已知
非我輩晚悟猶庶幾且待春江遲日暉聽君郢

中遺音希或掉于渚漁于磯可飲可賦暮可圍
共辭榮祿遂初衣微斯人也吾誰歸秉燭前夜
記依倚詩媿珙玦聯貝璣玄譚颺屑玉塵揮許
我東壁分餘輝別來孤月漫窺幃冉冉傑句天
葩翻雕虫但有揚子譏仲尼義編三絕章勗君
須念前修譬言詩非

次酬灘翁月下觀濤短歌

七月濤聲廣陵來灘叟笑倚江作壘文章枚乘
不足誇君有傑句驪珠堆莊篇秋水謝賦月八
窓直到深更開獨恨清賞未同歡遲我命駕君

應哈中秋佳約可觴詠爭奈病夫今退才

允迪在臺山和示仲羨短行次韻却寄

眼中之人各星散相望落落如箕斗舊雨來人
今不來誰復繫馬門前柳獨有灘老與臺翁歲
暮交情俱耐久佳篇轉向晚節工轟飲能追少
日否梧灘之渚臺山麓除却白雲何所有處處
隨君多白雲共對白雲傾綠酒

灘翁和曠聽江聲錯認爲雨覺後賦得短
篇要余次韻

承夏知君睡足處高枕坵窓方最妙蝶也周也

便難分江聲雨聲元同調我亦近學希夷翁千
日眠回谷鳥叫不踏槐安與邯鄲覺後香添一
炷燒有時清夢落滄洲筇笠攜君穩把釣

次灘翁題金山寺圖長句

金山寺形何所似圓嶠浮空撐巨鳌琉璃世界

移西竺有佛放光眉白毫九點齊州萬劫塵天

又限以重溟濤好事躋攀半帆風

字東陽詩曰金山寺裏半

祝幾多品題留詩騷絕響唯傳張處士鐘聲樹

影分兩臯想其揮筆浪吟時海若出沒魚龍號

屬而和者誰彷彿世稱介甫陽明豪君憑繪事

凌古作詩長一格風韻高顧我駑步強策蹇追
影上駟無乃勞若為攜君訪此境蛙埒百年空
首搔恨無列子御風行快登玄圃崑崙尻卧遊
須君有聲畫君才真如切玉刀

走次灘翁江上清風短行

八詠樓閣垂楊裏三面逶迤清漢水王翁睡起
何所迎江上風來故人似曾從赤壁吹不盡更
逐青蘋起於是灑我衣巾爽我襟韻我床頭琴
綵綺况此朱炎爾可濯露頂盡日憑烏几蘭臺
賦客太多事不須強辨雄雌理樽前亦有日寓

興舉杯青天一輪指百年高卧伴雙清應笑熟
門櫬襪子

走次灘翁山間明月短行

西湖明月好誰看徘徊斗牛昇東山八詠樓前
印湖心分外清光君獨攀嫦娥自有玉兔藥萬
古春住如花顏銀橋直跨廣寒殿擲杖秘術疇
能嫺天香桂子八朗吟願遊吳質羣仙間何人
呼作白玉盤去來盈缺長回環奇觀不用一錢
買主人但少如君閑興來時披宮錦袍弄景象
在清江灣

次東坡四時詞韻

以下月課
丙午春居首

織柳烟絲颺院落料峭東風侵繡幕佳人睡起
淡掃眉恰似當階小梅萼春愁如病減香肌脉
脉相思人是誰却把床前金粟尺為君裁作舞

羅衣

右春

槐陰漲綠晝漏永玉腕盛冰赤櫻冷簾前梅榴
色妬裙繡罷文機泪房靜嬌沾粉汗乍含顰鏡
裏新粧慵不勻手弄鈿箏彈一曲幽情多少道
何人

右夏

玉露團團周蕙綠珍簟淒淒冷湘竹寒衣擣盡

夜何長月轉高梧霜滿屋蘭燈無焰繡窓局絡
緯多情啼小庭千里蕭關片時夢乍回金井轉
轆轤聲

右秋

微霰隨風撲簷角一夜流蘇寶帳薄晨粧手澁
幾回呵冷襯膚肌香珮落雙鬟斜整色拖鴉半
醉羔兒生臉霞休道芳心易消歇開箱為檢錦
鈿花

右冬

題胡澹庵封事後

丙午秋

我聞純剛至正氣彌亘萬世塞地是氣磅礴
鍾於人有時發而為文字尚論古人誰得之字

堂澹庵留封事滿紙危言一斗血烈日秋霜凜
忠義大節能扶九鼎重址使氣奪三奸悻帝秦
之耻蹈海憤直與魯連心無異募以千金虜亦
服主而不悟寧無愧嗚呼主而不悟寧無愧

雜體詩

次弼卿建除體

建功與立德所成固磊落除此兩段業績文斯
亦足滿架典墳書古人無不讀平居志常慕踐
徑闖潘陸定限自難過步似壽陵學執筆愧鈍
澁臨卷歎茅塞破硯不可食攻苦竟何益危鬢

已蕭然衰老才轉薄成章有內弟鈇槩大肆力
收拾邇來作衆體俱合則開豁我蒙蔽怡慰阻
良覲閉門長蓬蒿須訪仲蔚宅

次石村八音體兼奉梧灘

金門舊侶此為隣江海相逢逸興新石友襟期
如水淡灘翁意氣徹度真絲成短髮憐吾老蒿
倚長松與爾偷竹下敲棋風入座湖邊覓句雨
留人匏宜引滿那辭醉樽輒嫌空亦撥貧土銚
晚烟烹雀舌葦簾晴景岸烏巾革除冗事無如
靜籍在窮途轉覺親木道重尋期勝日且須勤

買洞庭春

玉連環體

微分無營畫掩扉非關窮巷客來稀希賢雅性
終成癖辟世初心本少機幾日田園身計畢十
竿湖海夢魂歸巾車野興知難盡一雨春山長
巖薇

回文

烟雲起遠山睡罷仍寥寂賢聖列樽壘亂治看
史籍蓮盆對矮松柳院連深閣懸榻坐空堂閉
門常少客

有懷梧灘回文

愁多倍覺久離遠
眺孤雲宿鳥歸舟泊晚洲
烟幕樹樓西返照
落依依

和起之集句

滄洲獨往意何堅及孤
舊事思量在眼前白居易

落日澄江烏榜外韓翃
將船買酒白雲邊李白

故人問訊緣同病韋應物
野老歡娛為有年包何

飛閣捲簾圖畫裏杜甫
詩成不見謝臨川王表

和起之集杜

抱病起登江上臺
渚清沙白鳥飛回
郊扉俗遠

長幽寂樽酒家貧只舊醅
竟日淹留佳客坐
殘花悵望近人開
細推物理須行樂
且盡生前有限杯

江閣雨後集句有懷洛中親舊

蒼苔滿徑竹齋秋劉滄
風物淒淒宿雨收韓翃
遷客

此時徒極目李白
烟波江上使人愁崔顥

蕭疎楊柳隔沙洲劉滄
潮落空江網罟收李郢
楚客

病來鄉思苦盧綸
不知何計寫離憂許渾

集句寄梧灘

海燕飛時獨倚樓戴叔倫
青青草色滿江洲劉長卿

相思相見知何日李太白須向山陰上小舟
杜子美

和梧灘集杜

袞職曾無一字補將詩不必萬人傳習池未覺
風流盡頭白昏昏只醉眠

灘樓會飲和灘翁集杜

醉酒揚雄宅狂遺白接離熟知江路近還往亦
無期

中秋賞月集杜

中夜江山靜樓高月迥明羈棲愁裏見那得易
為情

江南春三五七言效寇平仲體

南浦晚白蘋春平蕪烟外遠垂柳雨中新蘭舟
搖蕩歸何處千里芳洲愁殺人

清明日灘翁寄詩自一言至十言次韻效

顰

清明日暖一作天晴春衫換燿火呈桐華節物

穀雨江城且覓新醅醴仍和冷粥飭暮境芳辰

寂寞閑愁離恨交并幾處兒曹鬪草戲三條街

路賣花聲一作幾處清泉洶井東攔梨雪子瞻

寓感南陌鞦韆介甫寫情流鶯獨聽人憶杜陵

會酒家何在客指杏村行春及柴桑將有事乎
數畝吾當與沮溺相耦而躬耕石洲清明詩中
用闡草語註曰
國俗才兒有闡草戲與中國
所云者不同今亦依此使用

強和灘翁四言

我思故人在彼湖湄日夕相望晚晚佳期托交
方外曩卜芳隣芰荷爲衣江漢垂綸竹裏幽館
灘上高樓掉舟還往聊以寫憂有醅有賦其樂
只且忘情得失與道卷舒靜想虛白妙論太玄
聚散不常同好逃然手絃目鴻緬爾曠懷間或
命駕叙此睽乖首夏屆暮嘉木敷陰好鳥求友

綿蠻其音覽物增溯美不可忘早晚莊惠期以
濠梁



三翁集卷之五

Blank space for text within the main frame.

